



PERAK
JABATAN MUFTI NEGERI PERAK

بِسْمِ اللَّهِ الرَّحْمَنِ الرَّحِيمِ

KENYATAAN RASMI BIL. 13/2019
KEPERLUAN MENGHINDARI KERAGUAN

1. Allah SWT telah berfirman di dalam Surah Ibrahim, ayat 27:

يُثَبِّتُ اللَّهُ الَّذِينَ آمَنُوا بِالْقَوْلِ الثَّابِتِ فِي الْحَيَاةِ الدُّنْيَا وَفِي الْآخِرَةِ وَيُضِلُّ اللَّهُ الظَّالِمِينَ وَيَفْعَلُ اللَّهُ مَا يَشَاءُ ﴿٢٧﴾

Maksudnya: Allah menetapkan (pendirian) orang-orang yang beriman dengan kalimah yang tetap teguh dalam kehidupan dunia dan akhirat, dan Allah menyesatkan orang-orang yang berlaku zalim (kepada diri mereka sendiri), dan Allah berkuasa melakukan apa yang dikehendaki-Nya.

2. Mutakhir ini, pihak-pihak tertentu telah menjemput saudara Astora Jabat untuk menyampaikan ucapan di salah sebuah institusi pengajian tinggi di dalam Negeri Perak. Pada hemat saya ini merupakan suatu tindakan tidak teliti yang menunjukkan sikap tidak menghormati Institusi Fatwa yang telah mengeluarkan keputusan terhadap suatu penulisan beliau berkenaan azab kubur. Menerusi warta kerajaan bertarikh 29 Julai 2004, Mesyuarat Jawatankuasa Fatwa yang bersidang untuk kali ke-161 pada 23 Syawal 1424 H bersamaan 17 Disember 2003 M telah bersetuju bahawa menolak kepercayaan azab kubur setelah wujud keterangan dari Al-Quran dan As-Sunnah serta Ijma' Ulama adalah terkeluar daripada ajaran Islam yang sebenar dan oleh itu orang Islam adalah dilarang mengamalkan ajaran itu.
3. Difahamkan bahawa beliau masih mengutarakan pandangan yang mengelirukan berteraskan logika akal semata-mata dan menyeru kepada pemikiran yang terbuka di khalayak umum termasuk para pelajar yang masih tidak mempunyai asas ilmu yang kukuh. Pernyataan dan argumentasi terbuka berkenaan seksaan kubur tidak menggambarkan keadilan Allah, ulama mazhablah yang mencipta hukum dan menjadikan Islam yang sulit dan sempit, hukum haram dan halal yang disebut dalam Al-Quran sahaja adalah cukup dan memadai tanpa perlu kepada hukum-hukum yang dihasilkan ulama merupakan sesuatu yang tidak dapat dilebar luaskan di kalangan masyarakat dalam negeri ini.
4. Maka dengan ini, saya menzahirkan kekesalan atas pihak-pihak yang menjemput saudara Astora Jabat kerana tindakan ini akan lebih menghasilkan kecelaruan di kalangan masyarakat daripada kemanfaatan ilmu. Saya juga menegaskan bahawa adalah sangat wajar tindakan menutup ruang keburukan (سد الذرائع) dipraktikkan dalam hal ini.

Tan Sri Dato' Seri (Dr.) Haji Harussani Bin Haji Zakaria
Mufti Negeri Perak Darul Ridzuan

11 Safar 1441 H (Khamis)
10 Oktober 2019 M